

Date – 28/08/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Chief Minister Pu Lalduhoman, HIV hrik kai ten ART damdawi an lak hmaa test chi hrang hrang tih ngai chu man sawi lovin sawrkarin a tihsak tawh dawn tih a puang.
2. Nizan atanga ruah sur nasa avangin Mizoram hmun hrang hrang leimin engemawzat a awm.
3. Sum leh pai enkawl na tha in mitin a huapzawhna tur scheme Pradhan Mantri Jan Dhan Yojana chuan vawiin khan kum 10 a tling
4. External Affairs Minister Dr. S. Jaishankar leh Chile Foreign Minister Alberto van Klaveren te kaihhruaiin vawiin khan India-Chile Joint Commission Meeting New Delhi-ah an thukhawm.

<><><>

CM

Chief Minister Pu Lalduhoman, HIV hrik kai ten ART damdawi an lak hmaa test chi hrang hrang tih ngai, base line investigation, man chawia tih ngai thin chu man sawi lovin sawrkarin a tihsak tawh dawn tih a puang.

Vawiina Vaivakawn YMA Hall-a HIV leh mipat hmeichhiatna hman atanga inkaichhawn natna, STI (Sexually Transmitted Infection) chungchang mipui hnena zirtirna beihpui thlak (Intensified IEC Campaign- India Fight Against HIV & STI) Mizorama thla hnih chhung kalpui tur a hawnaah Chief Minister Pu Lalduhoma'n he thu hi a puang a, Intensified IEC Campaign-India Fight Against HIV & STI hi NACO-in India ram state tina kalpui tura a ruahman a ni a, Mizoramah pawh Mizoram khawtinah kalpui tura ruahman a ni a, District zawng zawng DC ten theihtawp lo chhuahpui turin a chah tih a sawi bawk.

NACO-in State zawng zawnga din tura 2007 a a din, State Council on AIDS, HIV/AIDS chungchanga state-a thuneitu sang ber pawh August ni 19 khan ama Chairman-na hnuaiah Mizorama a vawi khatna atan an thukhawm tih a sawi bawk a, Chief Minister chuan heng natna pahnih hi nunphung vanga natna ve ve an ni a. HIV bik hi vanduai vanga kai theih a ni nain chutianga kai chu an tam lo. Mizorama kai zaa 60 te hi mipat hmeichhiatna condom tel lova hman vanga kai an ni a, a dang zaa 30 hi ruihlo ti thin te an ni a ti.

Tunah hian MSACS chuan HIV kai mi 16,217 vel an enkawl mek a, HIV natna kai hmuh chhuah, an chin hriat zui si loh hi mi 633 an awm a ni.

He campaign hi September leh October thla chhung kalpui a ni ang.

RAIN HAVOC

Tukin ruah sur nasa avangin Aizawl district bikah chhiatna tenau hmun tam takah a thleng a, mihring thi leh hliam erawh an awm lo.

Aizawl Bawrsap hnen atanga Akashvani Aizawl-in thu a dawn danin Sabereka khuang kaih avangin Phunchawnga Zothan Auto Works bul lamlian chu chhawlin a hnawh a, Lengpui Airport thlen hma a kawngpui min pawh min belh lehin thlawhtheihna hmanga zin chhuak turten harsatna an tawh phah a ni.

Chawnpui venga Pu Liansuama chenna in bula leimin in kawngpui a hnawh bakah Tanhril Venga Mizoram University kalkawnga leimin chuan kawng hnawhin electric hrui a tichhe nual bawk.

Tukina ruahsur nasa avang hian Vaivakawn venga Chhangurkawn panna kawngpui kawng chhak lam chu minin kawng a hnawh a, hnatlangin lirthei kal tlang thei turin an thianfai nghal a, Ainawn Vengah pawh lei min hmun hnihah awmin Chawlhmun Venga leimin chuan vawk note 20 a chhilh bakah vantlang Tuikhur a chhilh bawk a ni.

Luangmual Venga Pu Rualchhina chenna kawmthlang pawh min in Luangmualah vekah hian leimin-in Pu Ramzauva in a tichhe nual bawk a, Khatla Vengah pawh Police Headquarters thlang a min bakah Tourism Office tlang min chuan Mizoram Secretariat hungna bang a tichhe bawk.

Aizawl Bawrsap tarlan danin tukin ruahsur nasa avang hian Ramhlun North-a pema Road thlanga ko pang lung rem chu minin Zonuaam Venga Police Outpost leh Anganwadi Center inkar chu a min bawk a, Zarkawt Presbyterian Biak In bul ko pang lungrem min chuan lirthei pakhat a delh chhe bawk.

Bawngkawn atanga Durtlang panna kawngpuih lei min a awm nual a, Nursery Veng Tlawng Road a ko pang lung rem a min bakah Vaivakawn Zohnuai a UPC NEI bula lei min chuan chenna in pakhat a tichhe bawk.

Nizan zankhua a ruahsur nasat avangin Mamit khawpui panna kawngpui zawng zawng leimin a hnawhpinbakah Mamit khawpui chhung hmun hrang hrangah leimin a tam hle a.

Kan corr sawi danin, Mamit panna kawngpui te chu hmun engemaw zatah leimin in a hnawhping a, Mamit leh Aizawl inkalpawhna National Highway 108 chu Mamit leh Dapchhuah khaw inkarah hriattheih chinah hmun 2 ah zau deuh a leimin in kawng a hnawhping a, kawng enkawltu PWD Highway Division 1 te chuan kawng thenfai hna hi an thawk nghal a, ruahsur loh a lei a min belh loh chuan zanin hian kawng hi thenfai hman an in beisei.

Hetih lai hian Hachhek tlang dung leh khawtlang lam atanga Mamit panna kawngpui (National Highway 108 tho) chu Mamit leh Bawngva khaw inkarah hmun 2 ah leiminin kawng a hnawhping bawk a, leimin hi a nasat avang leh thenfai a hautakin hun a duh rei dawn avangin kawnghlui lam thenfai hmasak phawt tur a ruahmanna siam anih thu PWD Highway division hotute hnen atanga thudawn niin kawnghlui lam hi lirthei kal theih turin siam that vat an inbeisei bawk a ni.

Mamit atanga Bairabi inkar kawng pawh hmun tam takah leimin a awm bakah Damdai khua a Chenna In 1 chu leiminin a hnawl bawk. Kawng enkawltu PWD Highway division 1 lam atanga thudawn danin Mamit to Bairabi road inkarah hian leimin zat hriat chian theih nilo mahse vawiin lamah

hmun 4 a mi chu thenfai tawh niin hmun 2 aia tlemlo thenfai tur ala awma an hriat thu an sawi bawk.

Ruahsur nasat avang hian Mamit khawpui chhung hmun hrang hrangah leimin a tam hle a, leimin hian vengchhung inkalpawhna kawng a hnawhpin bakah mimal inbul te a min nasa hle a, ruahsur nasat avanga Mamit khawpui chhung a chhiatna hrang hrang thlengte chu Mamit DC office Disaster Cell atangin pi Grace Lalremdiki Sailo SDM chuan vawiin khan ahmunah a kal chilhin chhiattawkte a thlamuan bakah leimin zel tur ven nan silpaulin a sem bawk a ni.

<><><>

IPR MINISTER

Information & Public Relations Minister Dr Vanlalhlana chu Doordarshan News Director Nampibou Marinmai leh All India Radio Aizawl RNU Asst Director Gin Gangte ten a pisa ah hmuin, Mizorama DDK leh AIR ten chanchinthar Mipui tanna public broadcasting hna an thawh dan leh Mipui tana tangkai zawka hnathawh theih dan tur an sawipui.

Information & Broadcasting I&B Ministry hnuaiia Central Media unit hnuaiia Information Service a mizo te an luh tamve theihna tur hmalak dan tur te Minister hnenah hian thlen a ni a, Information Minister Dr Vanlalhlana chuan Central lama bawhzui dan tur chu ziaka thlen a turin thurawn a pe a ni.

Indian Institute of Mass Communication IIMC Mizoram hmalakna leh inrelbawl Dante pawh Minister hnenah hian an hrih a, a hmun hma te enfiah a hun hman turin Information Minister hi an sawm a ni.

DDK leh AIR News hotuten I&PR Minister an kawmna ah hian Mizoram State Information Commissioner Mangjangam Touthang chuan a tawiawm a ni.

<><><>

KOLASIB SABB

Sorkar laipuiin faina kawnga hma a lakna pakhat 'cleanliness drive on Safai Abnao, Bimaari Bhagao (SABB)' campaign chu UD&PA department bultumin tukin khan Kolasib-ah neih a ni a, Kolasib bialtu MLA Pu Lalfamkima, Assembly Deputy Speaker chuan a hmanpui.

Pu Lalfamkima chuan fai turin mihring chengten rilru thlak a ngai a, fai ngainatna atangin khawpui fai pawh a awm thin tih a sawi. A hmun lova bawlhhlawh paih hremna siam te chu faina tura hmalakna a ni a, sorkarin bawlhhlawh sawngbawlina a siamah te bawlhhlawh thliar chungin paih hram hram a ngai tih a sawi.

Pu Lalfamkima chuan fur laia chhiatna, leimin leh thildang tam tak a thleng thin te chu mahni insiamchawp a tam a, tuiluwankawrah bawlhhlawh paihin a hnawh a, hmun dangah tui a luang a, chu chuan leimin a siam thin a ti a. Luikawr bawlhhlawh paih hian tuiin a lenchhuak a, heihi a chengte sulhnu vek a ni a, lui tui te pawh plastic bottle ruak hlirin a khat zo thin a ni a ti bawk.

Hei bakah inchung atanga ruahtui tla a luanral dan pawh enkawl that a ngai tih a sawi, felfai taka heng tuite hi a paihna siam loh chuan harsatna a thlen thei a ni a ti.

Tukina hun hmanna hi Kolasib Town Sanitation Task Force chairman Pu Robert C Lalhmangaiha, DC chuan kaihuaiin SBM Brand Ambassador

pahnih Tv Andrew Laltlankima, gospel singer leh NI Lalremsiami, national hockey player te bakah department hotute, VC hrang hrang te, Kolasib Town YMA te leh middle atanga higher secondary school zirlaite telin mi 900 vel an pungkhawm a, DC bangla atanga DC office inkar kawng zawhin kawngsira bawhlhlawh an chharfai a, faina kawnga thutiam an sawirual bawk.

<><><>

JAN DHAN SCHEME

Sum leh pai enkawlna tha in mitin a huapzawhna tur scheme Pradhan Mantri Jan Dhan Yojana chuan vawiin khan kum 10 a tling a. He scheme hi mi vaibelchhe 53 chuangin hmangin bank account hmangin sum an khawl a ni.

Prime Minister Narendra Modia chuan he scheme hlawkpuitute zawng zawng a lawmpui thu sawiin he scheme hlawhtlinna tura thawktute zawng zawng chungah lawmthu a sawi a. Jan Dhan Yojana chuan mitinin bank account an neih theih nan hna ropui tak a thawk tih sawiin mipui vaibelchhe chuangte tan zahawmna a pe a, abik takin hmeichhiate, thalai leh mi hnuaihngung zawkte tan a tha hle a ni a ti.

Union Finance Minister Nirmala Sitharaman-i pawhin he scheme avang hian mi rethei tamtakin eibar zawinna kawngah mual eng hmu pha ve in mi retheite tihhmasawnaah a tangkai em em a ni a ti.

<><><>

BIHAR FLOOD

Bihar-a tuilian avangin mi sang chuang hmun him lamah sawnchhuah an ni tawh. Tuilenna hmun hi Bhagalpur, Munger, West Champaran, Khagaria, Katihar leh district dangate a ni a. Ganga, Gandak, Koshi, Mahananda leh lui dangten an chim chin pangngai aia hlauhawm an chim thleng tawh a. IMD chuan Bihar state khawthlang leh chhaklamahte ruahsur nasa avanga inralring tura hriattirna Yellow alert a pe chhuak tawh a ni.

<><><>

EAM

External Affairs Minister Dr. S. Jaishankar leh Chile Foreign Minister Alberto van Klaveren te kaihhruiin vawiin khan India-Chile Joint Commission Meeting New Delhi-ah an thukhawm. Dr.Jaishankar-a chuan hawna thu sawiin Security Council-a India-in member nghet nih a tumnaah Chile in a thlawp chu lawmawm atih thu a sawi a. Global South Summit-a Chile arawn tel ve theih avangin India chuan hlu a ti hle a ni a ti a. Chile Foreign Minister hian nimin khan New Delhi a lo thleng a. A cham chhungin Chile-India Business (Agriculture) Summit-ah a tel dawn bawk a. Mumbai panin a chhuak leh ang. Chile hi Latin America ram zingah India thawhpui hnai berte zinga mi a ni a. External Affairs Ministry chuan thuchhuah siamin tun tuma Chile Foreign Minister lo zin hian ram pahnih inkar tihhmasawn leh thawhdunna tur kawng dang zawn kawngah nasa takin a pui dawn a, hun lo kal tura an thawhdunna tihlen zel dan turah pawh a tangkai dawn a ni.

<><><>